

詩

谿谷集

十三

谿谷先生集卷之二十八

五言律詩 一百五十首

光山任宰與鄭中書共集風詠亭送潭守李
茂伯僕以病不能赴約悵有詩

名亭駐皂蓋祖席近滄洲各是天涯客應思洛下
遊羈禽羨歸翼班馬怨鳴騶病負清尊興孤吟欲
白頭

次玄軒先生韻題熙師卷

問法翻成妄忘言便是禪叢林近初地落日
到諸天僧定鍾鳴後香消梵放前病夫渾懶散無意辨

空玄

偶論老擇
異同故云

萬馬谷

朝行萬馬谷冰雪正搓杆遠壑盤孤隼空林集亂
鴉山形擬峭隄地勢似褒斜表裡通都會關防自
可誇

完山府

繁繁一都會形勝冠南方割據當三季神靈啓百
祥唐家隴西郡漢代沛豐鄉樓閣通雲氣長瞻五
色光

寄湖南方伯

余向山郡而方
伯將延海是

寄語湖南伯論文已老蒼棠陰駐征蓋梅影入離
觴繡斧凌山雪紅旗拂海霜平生報國意中夜各
回腸

長水縣示張宰仲會

湖外知名縣溪山擁郭清炳靈鍾間氣元老佐昇
平黃翼成公實邑產也亭僻風林近牕虛雪嶂明青眸有賢
宰家釀解相迎

數日來風雪陰霍氣候不佳西北得無有警
報乎發於吟詠觀者其謂余過憂乎哉

南州不應爾氣候似邊頭雪暗陰風怒雲霍白日

愁無端京國戀益切朔方憂寄語山西將防胡貴
伐謀

昇州

湖南五十郡清絕說昇州
竹家家色晴川曲曲
流雖無越女笑欲作賈胡留
更有紅亭好堪消客
子愁

贈林察之

今夕知何夕天涯見故人
同為擁傳客俱是戀
恩身酒淥傾還灩燈花落
更新停盃問京洛袞袞
意彌真

送林金吾宗之奉使耽羅

此地消魂別天涯歲欲徂片帆滄海闊千里客星
孤鰲矗連雲背鰈張撥浪鬚陽侯能解事定避執
金吾

用前韻贈別湖南方伯

相知恨不早奈此鬢毛蒼旅館還今夕離筵且此
觴共霑新雨露曾閱幾風霜贈別無多語深情結
寸腸

礪山途中

萬古長嗟地羈遊鬢欲華鄉情憶茱菊歸興趁椒

花暮雪鷄城指蒼山驛路賒惟應榮羸馬莫遣後
棲鴉

迴鑾日扈從志喜書事示同行諸詞伯

城闕妖氛豁江湖御氣迴鉤陳圍大陸華蓋拂
輕埃司隸儀章在金吾法仗開中興有諸將誰定
畫雲臺

憶昨蒼黃日誰知有此辰攬槍中夜落鹵簿一時
新萬品元無改三靈自有神禁城佳氣色冠冕趁
青春

哭沈舍人德顯

淚洒南雲黯君今已九原秋天失鵬鶚清廟隕璵
璠直發緣憂國魂歸定戀恩眇然人物日心事
共誰論

德夢病
疽卒

萬死餘雙髻殘年看中興雲霄真自致風燭已難
憑詞翰青編業韜鈴玉帳能不堪多難後存沒恨
相仍

送申功甫之任沔川

御史霜臺峻郎官粉署妍却緣勞侍從聊此領山
川五馬行湖外雙魚問日邊知君有能事卧閣輟
蒲鞭

哭李新溪子威丈三首

期慄痛未定寢門仍哭君心摧對斜日淚洒入停
雲往事那堪憶深情不假文殘生但有骨無路無
孤墳

杜谷連門住忘形即我師堪追二仲好况有阿戎
奇各閱窮通境翻成聚散悲吞聲遽死別唯待九
原期

驥足何曾展知非百四才神君真不忝鬼伯忽相
催柳翼悲風冷萱闥暮景頽居然念存沒坐覺寸
心灰

尹舍人先夫人挽詩

既畫閨門懿偏為造物優
八齡稱大耄諸子摠名流
顏景淹茲夕悲風錦水秋
升堂知己矣洒涕向山丘

送姜判校弘重奉使日本

不是鴉音變那看卉服來
却煩蘇武節仍藉陸生才
裨海風濤靜清秋氣候開
王靈無近遠殊俗莫相猜

戲作禪語示英上人
小兒強作解事不必溷
之軸中

欲知真性體無碍亦無通洞洞元非相明明不是
空千江惟一月萬竅本同風會得毗耶路何心闢
異同

用趙怡叔韻呈延平相公

頽波難障遏危鼎扶持不有深長計誰陳撲直
詞寸心惟戀主雙涕獨傷時夜夜江湖夢朝天
近玉握

時坐言事
出江外

送尹從事樂天

喜氣傾東表恩綸下北辰玄端重儼相青瑱輟
詞臣禁掖梧桐樹關河折木津只愁鳴玉地難見

卦金人

鄭內翰杞挽詩

芝眉恨未覲王樹忽先萎
秘史知誰繼修文事可疑
旅魂招更遠哀挽咽逾悲
斟酌西河慟何人淚不垂

挽李文殷老

白麓羈栖久青溪邂逅頻
衣冠憐古貌談笑見天真
祭進龍頭選郎潛鶴髮身
瞥然泡影盡懷舊為沾巾

舅弟朴德一亡內挽

中表似連枝情深髮鬢時居然成長大各有妻
兒賢婦忽無祿衆雛真可悲存亡兩隔絕南望淚
雙垂

聽說蘭摧日全家困伯強呻吟憐稚孺奔迸惱尊
章骨肉都無藉存亡各異鄉傷神我弟在孤墳鬢
蒼浪

題劉翁卷次韻

劉翁住北郭自有好亭池坐對橫斜影行攀偃蹇
枝家貧猶醞酒客到強題詩待我身差健幽尋會
有時

挽崔皞如

邂逅真如舊，升沉各不忘。
何論同臭味，直取好心腸。
乍入尚書省，翻成地下郎。
傷心故姬在，孤影總惟涼。

挽李文資

令弟雲臺表堂堂，柱石姿天倫。
宜挺拔夫子獨，栖遲驃騎名。
何減林泉迹，自竒居然隨。
物化歸旒卷，寒颼

鄭直長內挽詩

鄭文從遊慣，田居舊接鄰。
時為座上客，聽說室中

人并曰能安分杯盤或撥貧如今已陳迹哀挽一
沾巾

吳兵使挽

福將真難得金貂位望尊分符幾名郡擁節摠雄
藩甲第方三鼎堂封忽九原欲知餘慶遠蘭玉好
兒孫

諸詞伯集金齋舊墟澤風子有詩屬和次韻
贈主人申生

寂寞山河感諸公把酒歸泉枯失瀑布石老長苔
衣堂構人猶在分留興不違病來觴詠濶牽助借

光輝

寄清陰

丹心違 禁闥白首意何如
凜凜歲寒後蕭蕭風
雨餘瞻天愁虎豹對月嫉蟾蜍
好趁窮愁日聊成
石室書

題李學士兄弟急難圖

自倭奴構難毒鋒所及千里漂血其孤人
之子寡人之妻殘人兄弟不可勝數當其
變者子或不能濟其父婦或不能存其夫
舍痛茹恨腐心而沒地者何限叔載甫一

病孱措大乃能出氣拚死全骨肉於急難之際蓋其誠至故志壹志壹故氣完是足以感神明之護持却兇賊之魚勃惟其初不為獨全計故能竟至于兩全也茲非千古異事哉李侍講以是帖見示擊節嗟賞係以小詩

兵戈滿天地原隰足傷悲爭死古稱美雙全良獨
奇鴈行無斷絕花萼重榮滋解使民藝重新圖幾
首詩

挽邊丈

屏迹沉冥日幽居莽蒼邊未成陪杖屨空復望林
泉孝謹風猶在兒孫業可傳忽聞乘化去哀挽一
悽然

朴同樞慶新挽

先公與夫子朝著接英躔年事庚辛近科名甲乙
聯孤生惟涕淚往迹似雲烟媿負生芻莫空題薤
露篇

宋木川文挽

彭澤休官去龐公盡室藏鶴臞輕飲啄松老耐風
霜豈乏金丹術同歸石火光居然念先分南望為

沾裳

哭鄭泰甫

淚落爲長呼斯人命也夫今期遠如許不復少須
臾獨有雙親老曾無數尺孤百年同幻境歸去卧
黃壚

寄鄭紫元

歲暮一相別春回仍未還卑陬戎馬際羈旅道塗
間才達官逾冗機疎謗未刪郵筒有逋債信筆寄
關山

鄭子布衣英青春乘傳行團圓中表會披寫客間

情幕府須鳴玉關山未解兵橫金
主恩重莫恨
滯邊城

次正使登漢江亭韻

華蓋星辰上仙槎浮澣東亭臨蛟窟黑波映獸袍
紅自得江山助應添筆翰雄儘多梁苑客誰賦楚
宮風

次正使遊漢江韻

輜軒趁暇日彩舫作清遊客自蓬萊到江如章貢
流烟波望不極霞鵝景曾收定有鄉關思天涯轉
覺悠

正使是江而人

蘭橈催更緩蕭鼓咽逾喧月吐波拍漾潮迴岸有
痕風雲高興愜江漢大名存媿乏雙金重叨登九
級門

具內翰鳳瑞先妣挽

碩人稱盛族內翰是佳兒絳帳留家訓萱闥奉母
儀崦嵫催急景江漢送靈旗多少升堂客爭題相
紼詞

挽沈揔

德顯之子德顯沒
纔三歲而揔又夭

名家稱八力妙譽自兒童一夕蕙蘭殞三秋橋梓
空生年輪一以誼死孝劇王戎淺土龍門麓丹旌迺

晚風

挽權察訪霍

洛社分張後湖山邂逅良相憐臭味合奈此別離
頻暮境沾微祿他鄉送幻身停雲香南極寄挽自
沾巾

韓高城挽

上黨流風遠坡山問道勤論兵是餘事學禮更多
聞華髮饒奇計雲臺策大勲傷心喪亂日孤塊寄
江濱

送天章出守南陽

零雨濕征衣熊轡出近畿中年別懷惡亂世宦情
微秋柿登盤早霜鱗入網肥送君翻自笑行止寸
心違

送清陰 恩暇歸永嘉鄉廬

萬死孤槎上歸來白盡頭封章辭鳳闕擁傳過龍
湫杜老荒村興相如蜀道遊艱危 主恩重莫戀
鷗峯秋

興慶園改葬挽詞三首

朱郎疏封日雲臺繪畫時始終敦德業忠孝荷恩
慈宅籍興王地天回啓聖期宗枋重昭洗餘慶驗

今茲

寂樂唯為善殷憂事可傷猗蘭開奕業僵柳協休
祥遂覩彞倫正長教景命昌千秋起位地窰窰再
輝光

周遷楚山隧漢改廣明園福地開新甍幽堂輟舊
原緣情禮無缺稽古事堪論龍虎金陵氣流光百
代存

又二首

代作

日表生真主天心眷至仁神靈永五廟功德
濟烝民禮豈踰中制恩仍薦至親寢園儀物改邦

命屬維新

百里森儀衛千宮進挽歌奉明徵故事藥水感前
和國家長無極情文兩不頗金陵表雙隧佳氣向
來多

林處士塚挽

忽報歸黃壤無因識紫芝梅花和靖宅叢桂小山
詞爽氣今難致高人更有誰誰家羣從在零落惜
瓊枝

柳士潔挽

清門久零替身世寄田園遂抱中年疾終乖一命

恩萊衣詎瞑目寔些未招魂六子皆頭角猶堪慰
九原

金同知元祿挽

道為詩書重官經省署尊金魚優大臺玉樹映高
門風落靈椿色霜凋宿草原通家情不淺揮涕送
朱幡

次韻題戒敏卷

湖寺尋僧地禪窓煮茗時江山應有待歲月忽如
遺雲衲勤來訪華牋強索詩病羸寒政熱游屐趁
黃鸝

黃參議致敬挽

憶在江都日倉黃避虜塵
恁恁陪語笑落落見風神
似有長年術翻成隔世人
拜床遺恨在哀挽沾巾

送金友古出牧上黨

分司亦聊止作郡問如何
地擅湖中勝山連嶺右多
一麾堪入詠五袴定興歌
獨恨過逢處春風斷玉珂

癸亥歲余奉使湖南完山野寺邂逅詩僧懷
玉留一宿贈詩而別厥後時時寄聲相問今

年臘盡寒甚余方移疾家居忽有敲門者問
之乃玉上人也為訪余不遠千里而至嚙山
人非有世情一何懃懃至此哉感悵之餘遂
用舊韻以贈

湖山邂逅地一宿贈詩情不道黃塵裡還煩白足
行維摩仍丈室舍衛即王城聚散隨緣在寧論踐

舊盟

原韻有蓮社
夢寒盟之語

嚴學士惺挽

病渴不起

迹是江潭舊材稱省署良金莖空有露玉樹已凋
霜一瞥人間夢千秋地下郎黔山故松栢蕭瑟向

斜陽

次韻維楊崔使君大容遊西澗有題二首

翳翳長林影泠泠古澗源
携琴踏蘿逕岸幘凭松
根斫膾銀絲落煎茶雪乳翻
誰知簿領裏高興出
塵喧

不是拋簪笏還如出世塵
三年領劇郡一日作閑
人徵令飛觴促分題
逸韻新何緣擺俗累乘興到
溪濱

和示子謙

雨罷午鳩鳴
端居涼意生
心灰久已冷
鬢雪幾分

明懶自嘲中散才誰短晏嬰陽春不易和聊見歲
寒情

朴成川大夫人挽

往迹人皆羨高年世更稀雙珠掌裏失萬事眼中
非身後孤孫在天涯旅櫬歸故山松檜冷魂魄定
相依

送畸翁掌試湖南仍便道過家

過從意不盡此別正逢秋白露幾時下火雲猶未
休明珠收楚澤怪氣認吳鉤却想還家日流黃罷
夜愁

和寄天章

玉露催寒色高雲作晚陰書隨遠使到情覺故人
深青眼幾時見白頭空復吟風塵少適意世故日
相侵

金子長母夫人挽

令子深投分慈闈仰德音殘生菽水樂半世栢舟
心泡影俄相促悲歡杳莫尋秋風寄哀挽萬事一
沾襟

南府尹夫人挽

貞敬恩封重名家閭範嘉悲歡萬緣盡壽考百齡

差雪壠開寒隧風林咽曉笳
藥藥憐孝子寄挽淚
橫斜

奉送李侍郎出尹完山

衮衮多臺省分符却羨公
官仍二品重地最兩湖
雄亂後還無事荒年獨小豐
何須問劇易卧閣自
高風

擁節臨關外橫金八省中
風流重前輩禮數及愚
蒙長物唯琴鶴名都又畫熊
官梅騰前白東閣興
何窮

次韻報李丈叔平見寄

楊子玄亭隱馮公白首招還尋遂初賦歸對赤城
標意向詩中盡魂從別後銷明時急才彥肯許老
烟樵

吳典簿士謙挽

萬事真難料同歸幻化中居然奪孝子不敢問天
公失蔭庭蘭悴迎風宰樹空于公舊門戶餘慶定
無窮

病中得洪季通書自言得郡來霜雪滿頭慨
然有懷成二短律却寄兼示鷄林權靜吾密
陽鄭紫元

忽得天涯信開緘動別愁一年添白髮千里阻青
眸薄宦真相誤危途失自謀君如問季主儘可付
悠悠

權子之徐伐壺公領密陽懸知得舊侶不復恨他
鄉各與傳詩札仍須索和章人生百年內聚散幾
迴腸

送洪同樞景望按嶺南二首

片舶滄溟濶雙旌雪嶺通觀周吳季子分陝召康
公歷險名仍著銜恩責轉隆懸知運斤地應手
自成風

抒袖東南竭瘡痍表裏傷
憂勞損膳服簡選任
才良出手除昏墨將身荅寵光
行看嶺梅動生意
自傾陽

和畸翁直夜聞雨有懷

綵筆仙曹迥綾衾直署深
因聽曉窓雨忽動歲寒
心小至迎佳節窮愁入獨吟
人生貴少壯奈此二
毛侵

前宵一會大是病裡佳境
客散孤坐吟成小
詩奉呈畸菴及白洲雙璧

病裡歡情減愁邊歲律窮
百年難此會何處得諸

公酒待隣家送詩還我輩
工那堪客散後獨對一
燈紅

次韻酬畸翁

逢秋百感集秋盡轉多思
未學林居子空猜造物
兒書仍拋病後客不到
閑時悄悄窓間坐孤懷只
自知

寂歷齋居夕幽吟有所思
形骸親几杖藥餌聽妻
兒懶拙慙諸彥菁華感
四時襟期鄭老在同病兩
相知

俗態看逾厭屠沽各自豪
顏公時乞米屈子肯鋪

糟薄晚風威緊爭秋嶽色高詩中有何樂吟賞不
知勞

自笑衰顏瘦惟憑老筆豪秋蔬供晚飯濁酒帶寒
糟宦達翻相累名浮敢自高知心有黃卷尋繹却
忘勞

白洲使君送鹿血一壺有詩次韻奉謝

伊尼新刺血快脚遠將來液向壺中滿丹如鼎裡
開深情憐病骨餘事見詩才喚婦催調酒燈前倒
大杯

無魂還有血服法道家來海上君能寄燈前手自

開神仙如可學我輩豈凡才從此長輕健逢場盡
百杯

天章餉鹿肉及雉有詩次韻以謝

林中易著象隍裏夢成虛飲血仍分肉題詩更寄
書寒藿翻自失晚飯却無餘况有如臯獲全勝丙

穴魚

天章曾
餉鹿血

月食次天章韻

兩曜寧相掩孀娥自喪精初虧半分影欲罄滿輪
明上帝紅雲殿羣仙白玉京終能掃滓穢應復鑑
微誠

次韻題元悟上人卷

口業應前債官身尚昨非乍逢塵外客謾和卷中
詩忽忽流年換悠悠宿計違危途少適意萬事入
攢眉

衰容覩青鏡壯志頓成非下藥時呼酒排愁或覓
詩世情經冷熱身計任從違定被鷗夷笑如瓶在
井眉

物役身何得名浮實却非山僧亦多事老子不能
詩供世令人瘦尋真與願違百年能幾許誰遣強
低眉

送金子中按節關西

國耻誰當雪
關河血未乾
議堂恢上策
藩節屬儒冠
利器操應割
危枰轉得安
平生報主願
知爾寸心丹

西極傾天柱
那堪說卯年
至今猶鬼哭
何處有人烟
攬轡賢聲遠
橫金主渥偏
艱危仗才傑
莫賦壯山篇

和畸翁有感

咄咄憐華髮
明明秉素心
由来松栢操
不受雪霜侵
黃卷真如律
瑤徽欲輟音
交情期耐久
歲暮共

升沉

畸翁赴試僅得第四以詩嘲之

閩藝羣英集提衡老子叨星弧爭破的霜刃各吹
毛簪玉終須分舍毫謾自勞怜君矜觜距却遜少
年嘗

送李台彥赴祥原

麴蘖寧耽味應將磊砢澆片言深藏悔高義薄雲
宵絕足宜千里知音已滿朝關山忽此別怡悵欲
塊消

和天章韻

愁邊偶乘興一出到脯時閑對故人坐細評前日
詩淵明初鮮綬白傳歛分司却恨春歸盡殘花半
已披

病冗汨沒都不覺春序已盡白洲詩來不堪
怡悵謾成二章韻惡殊覺牢強只供一笑

今朝倍怡悵昨日送春時病起仍無酒情多未賦
詩光陰元不駐寒燠定誰司乍破窗間睡輕風白
恰披

花飛餘幾點老去不多時老子苦無興故人還有
詩情深青玉案色沮白雲司好趁清和節頻成宿

霧披

挽嚴教官寬甫

君家好羣從零落一何哀
學士已黃巾廣文仍夜
臺殘生無飽飯衰疾罷徵
孟寂寞巴陵路悲風薤
挽倅

挽李持平性源

素業標科目明時得雋聲
風霜臺憲肅星宿省郎
清過父年非促炊梁夢忽
驚高堂有垂白厚夜恨
難平

次韻贈慧

未撥身名累翻耽口業增眼中覩谷物林下媿高
僧九陌黃塵漲長空赤日疑勞公遠相訪詩草發
絨縻

若問無生訣唯存不昧靈青山孤錫迥濁水一珠
明淨界神長往塵勞鬢欲零風簷接軟語為爾動
詩情

余欲尋南漢之勝久矣縛冗未果山僧真一
觸熟來訪以東嶽詩數篇相示其意甚勤以
詩謝之

叢林在南漢只隔一由旬每負幽尋興長慙自在

身山僧情委曲嶽老白清新贈爾無多語他時結
勝因

挽許芑虛

萬事惟遭遇浮生有苑柱相知終霄漢未老忽泉
壚李遠饒詩興爰絲混博徒晚交情不淺題挽涕
沾鬚

送運判曹侯子實

正南財賦地轉運是監司臺省人材重兵荒國計
虧生湖海氣不廢簿書期坐索長安米翻慙送
別詩

挽人

洛下比鄰日湖中邂逅時
一寧尋舊社契濶間交
期短世風燈促新阡宿草滋南雲飛不盡寄挽淚
雙垂

次韻留贈清陰

將赴錦城

江樓昔分袂為賦重行行
世自嫌貞介天教飽困
橫榮枯總無意離合若為情
馬首南天濶征鴻趁

客程

曾在峽中送別有心事向來同
落客別離從此重行行之句

再答清陰

咄咄竟何事遲遲還此行
秋懷轉僚慄詩筆漫縱

橫膠漆看交義風波任世情殷懃兩相勉黃卷是
章程

次韻留贈畸翁

親朋滿天地幾個是知心忽向江南去翻同澤畔
吟浮名終自累衰相轉來侵別後相思夢迢迢何
處尋

挽人

屏野饒閑趣揚名負盛時頻年尺書到半夜整舟
移有子魂應慰無年理可疑南雲杳迢迢寄挽一
含悲

洪勉叔先夫人挽

平生洪水部交誼比金蘭色養三牲脩人生九袞
難春萱忽以瘁露薤遽成乾素髮泐清漢秋原拱
木寒

和韻酬白洲

行藏兩難得閑客長麾別後誰相問天涯應爾
思浮雲無定態直道豈多歧歲暮江南路看梅或
寄詩

錦城之行將首路矣擬嶽山人信行自南漢
來索詩甚懇用卷中韻以贈

客向錦城去僧從楓嶽來塵埃仍俗狀龍象不凡
才倘有雲門興應叅王版回猶憐漢山色臨別重
徘徊

葛院途中

秣馬投荒店驅車過斷坡天邊孤鴈遠烟外暮山
多報國心長赤遊方鬢已皤浮雲杳西北不敢問
如何

九月八日途中作

杳杳違京國飄飄作旅人山川征路濶風雨客愁
新稅鞅鴉啼夕騰裝鴈叫晨勞歌聊自遣明日是

佳辰

重九

客裏逢重九天涯節序催故園籬下菊今日幾叢
開漫整霜風帽誰拈濁酒盃
囊絃無興欲上望鄉臺

過蘆嶺

今朝過蘆嶺望斷悲吟日比長安近山如玉壘
深風林交爽蕭雲落層陰忽憶
關詠千秋同此心

寄懷時翁白洲

十日風和雨瀟瀟斷送秋自為湖外客長憶洛中
遊李子詩誰和畸翁病得瘳昏昏簿領裏無地可
埋愁

用韻寄龍城守朴大觀

此事緣何事君行繼我行未曾虧直道應是坐浮
名遂負中郎願猶稱刺史榮幾時傾皂蓋青眼會
江城

龍城守到南平用前韻要之

淒淒寒雨至倦客幾時行自有陳雷義休論李杜
名他鄉猶勝事隨處總恩榮但使開青眼何殊

在洛城

用白洲韻呈亞使姜公獻

衮衮多臺省憐君獨此行
唯應入蓮幕勝似守江城
暮境親知少他鄉物色驚
殷勤白洲句字字見深情

贈別鄭君正

髯鄭真吾友文章若有神
新穿楊一葉獨負董千鈞
雪裏銜盃地天涯解袂晨
長途自愛惜莫遣染緇塵

己巳除夕大風雪三朝

疾風吹急雪除夕到元朝氣候那如許靈氛不可
要居然念京國獨自坐寒宵却笑殘生事年年強
折腰

次韻贈李德久

過嶺皆殊域何人肯見尋勞君匹馬訪慰我故情
深雪館燒華燭春城伴苦吟相携首歸路隨處得
開襟

非才忝殊渥薄譴愧明時作吏真無賴勞生空爾
為欣逢京國舊忘却客遊悲倘遂霞村約相期早
解龜

不恨生今世何曾失故吾青雲違日下白首落天
隅眼底千般閒甯中一事無逢君共行役聊慰旅
情孤

早發井邑

侵晨發旅店征馬自蕭蕭野雪堆成岸溪冰閣作
橋殘生困歧路宿計負漁樵謾說朱幡貴春來鬢
半凋

人日作

久客凋雙鬢征途歲月賒新年仍舊疾人日在天
涯竹冷杯欺色梅寒雪作花綵幡那可无怡悵憶

京華

天啓癸亥余承繡衣之命微服過金山寺
時丈六殿新剏未訖功而寺僧將造大像余
作一詩勉之七閱歲而又自錦城來過殿與
像皆已成久矣遂用前韻贈寺中諸僧

夢想經過地風波見在身重尋寶王刹為拂古龕
塵像設臨三界經營閱幾春迷途得瞻仰長慰化
城人

車嶺

熊津古都會車嶺是雄關表裏分湖甸西南注海

灣林風送呼沟崖雪擁孱顏忽憶陪仙仗千官過
此間

和寄天章

謬道長安近寧知一會難親交空在眼契濶不成
歡嶺雪經春盡官梅過臘殘憶君無限意離香
雲端

詠蠟燭

一點憐孤燭分明到夜深空流不盡淚自有未
心影透虛窓白光搖半壁陰愁人獨無寐願爾照
幽襟

詠影次韻

燈前忽回首怪爾又相隨
元元無定光陰各有時
獨行常作伴到老不曾離
夢幻真司理金剛偈裏知

次韻

兀兀疲長路敦敦凭小軒
因人解符竹計日返柴門
老馬春仍瘦飢鳥晚自喧
眼中詩料足觸物惱吟魂

次韻別羅生海鳳

同病憐詞客吟詩瘦骨棱
豫童逢孺子淮海有陳

登爽氣渾堪挹清襟不待澄天涯聚散地別淚暗
垂膺

寒食日即事次韻

麥短侵斜暝苔深淨小磯林鳩鳴午景野馬弄晴
暉花事清明近烟光冷節微無人會幽意高詠獨
言歸

走筆和韻又贈仲文

春日故入到旅窓燈火明何緣致畸叟真似對汾
兄把酒生狂興吟詩雜楚聲良宵莫虛擲別後只
傷情

愁店

老去猶形役，春來不在家。
新年蘆嶺雪，寒食楚山花。
世事元無定，吾生却有涯。
誰知愁店雨，一夕鬢添華。

楚山非邑古号
余過寒食于此

醉中走筆贈南敵萬

雙旌君北去，五馬我南行。
逆旅一盃酒，故人無恨情。
燈前仍細雨，身外撻浮名。
溝水明朝別，春風兩鬢明。

和聞鴈

蜀魄中宵斗，疎林缺月明。
摧殘仍箇箇，哀怨自聲聲。

聲爽籟鳴還靜悲泉咽更清孤臣竄多感欲拜句
先成

極樂院

極望平郊豁通流二水長雲山分歷歷烟樹暗蒼
蒼湖海饒形勝光羅接土壇北亭駐征蓋滿路野
棠香

次韻贈畸翁

此地開青眼還如在洛城對棋華燭短分榻竹風
清白水存交誼浮雲閱世情病來詩久廢今日為
君成

奉和畸翁喜雨

是日芒種

一雨期芒種空池曉滴懸雲陰渾已合風信早相
傳禱久慙無驗詩成喜欲顛不妨留上客滿意寫
佳篇

曾與畸翁期瑞石之遊屬西鄙有事調船蜚
輓簡書旁午不克踐約以詩寄恨

暗詫幽期近翻成造物慳戈船促橫海蠟屐負尋
山秀色遙堪挹停雲不可攀閑忙各形役何地破

愁顏

弊館東樓正對瑞石
五句示

次韻酬金上舍時晤二首

道氣君家足幽居每下簾時來叩鈴閣相對闕牙
籤語覺炎蒸爽詩看格律嚴錦城饒物色分取恐
傷廡

酷暑增堆案層軒快捲簾偷閑紬舊帙過午換時
籤老樹陰仍靜新篁色未嚴逢君意不盡簷影下
堂廡

谿谷先生集卷之二十八

三

谿谷先生集卷之二十八

谿谷先生集卷之二十九

五言律 一百四十八首

監察契軸

且喜官名在堪論古道微
前騶空舊號甲第撻朱扉
列柏凝寒色栖烏帶夕暉
臺叅多暇日良會莫教稀

奉審 光陵途間吟成錄呈清陰宗伯海嵩
都尉

擁傳經沙苑鳴珂度石梁
朝暉爭掩映嶽色送青蒼
繚繞川原迫氤氲草樹香
征途接軒蓋衰拙亦

輝光

海嵩都尉有詩追記奉先之會次韻以酬

勝集因王事茲遊本不期驛程飛蓋地僧院對
床時玉漏鍾音徹金波剎影移歸來塵土裏往跡
入新詩

送洪東萊雪之任二首

重鎮雄南徼分憂屬俊髦夷情得要領利窟洗脂
膏卉服頻輸賁桑溟永息濤懸知報政日應有重
書褒

絕境標銅柱平臨對馬青鯨波撼城塹層市落軒

屏蠻舶元無厭氓征漸失經勞君施妙手殊俗服
王靈

金同樞得之寄詩喜僕增秩兼有屬意次韻
以酬三首

治世須才傑無能愧我曹微勞却見錄八座亦云
叨金重愁腰帶霜添笑鬢毛素懷存止足敢託昔
人高

熱官思爛熟只擬混凡曹往者甘三黜居然媿再
叨嗷嗷從口叨種種感顛毛貴飾煩佳句驚看筆
力高

西關傳傑作大手壓兒曹詩壘君無敵盟壇我得
叨名塗爭觜距交誼謝皮毛家是初來句情真語
益高

送柳高靈時英之任

昔歲同流落相尋古貌墟風霜萬死後雨露一身
餘宦跡仍分竹交情數寄書時危更憂旱為政欲
何如

往在乙丑歲清陰丈人因言事不安於朝歸
卧楊山之石室僕偶占餘韻一律奉寄今年
清陰又有此行而僕未及相送忽記舊韻吟

成寄呈

翰君知幾着事過愧難如石室清陰滿霜臺直氣
餘蕙蘭薰屈子猓貉噉曹蜍舊篋尋詩草吟成託
素書

苦雨柬子謙

苦雨淹三伏新秋轉鬱蒸昏昏氣不爽憤憤病相
仍蠅集那能睡蛙鳴只可憎朝來已請急碁局阻
良朋

次韻題道俊上人卷

昏昏午窓睡逃暑百無宜自笑慵緣病人嘲瘦為

詩耽慕強留客洗硯或呼兒忽遇山僧至談空一
展眉

病裏吟成又贈吳肅羽

聽說褰帷客明朝建節行淒然風雨夕復此別離
情消息江山濶歸來歲月更燈前寫苦語病筆半
歛頌

送汝固出宰扞城二首

薄俗疎文雅清朝重吏能人如二始守官豈六安
丞屐蠟行應理盤腥又轉憎懸知嶺外作一集滿
溪藤

昔歲叨銓席勞君刺劇州終成困文法長蜺屈清
流又作塵埃吏行蕪海嶽游重陽聚散地風雨倍
離愁

次韻酬朴子建

落落秋山子青衿滯洛中才名真自誤意氣為誰
雄朱墨官曹劇棋樽客座空傳笥足佳句還欲作
詩窮

次韻答朴子建

颺颺風塵際憐君意若何負奇甘宦拙嘗世患才
多沈臂幾分減潘毛渾欲皤人生有知己不用恨

蹉跎

送趙日章出宰知禮

公車諫疏斷學士佩銅章虎豹天關迫鼙鼓嶺邑
荒朱絃徒自直白壁若為光二字
思褒重聊堪
緩別腸日章之出也上猶稱清儉

次韻寄題劔山山城

新城壯控扼形勝壓關山天觀譙樓外雲生睥睨
間犬羊何足掃猿欲亦難攀况有膏中甲將軍足
破顏

送鄭德基赴龍城

蹇輟承明直熊幡領劇州兼為方丈客高卧廣寒
樓吏隱名何負君親願各酬居然聚散地無奈菊
花秋

送李侍郎善行赴京師賀節

別恨何時已年年送此行海東朝聘使雲裏帝王
城一節兼三賀天仰大明風帆破巨浪歸思趁
啼鶯

送具從事景輝

入幕韜鈴重迎檣雅望宜珪璋元特達鞍馬任驅
馳客路春初盡歸程月幾規臨邛舊遊地楊柳正

顰眉

送金迎慰晦汶二首

高品銜恩命芝函渡海來迎槎元勝選鳴玉屬羣
才野館芳菲遍開河駟騎催遙知薩水上鏡吹擁
樓臺

少日曾遊處星輶復此行江山應識面物色倍關
情地即經離亂人猶慣送迎憑君問吾弟塘草共
愁生

次韻寄題滄浪亭二首

滄浪不可到勝槩慣曾聽水抱孤亭白山留萬古

青高人已黃土舊業有玄經每歲門前柳飛花只
作蒞

昔人栖遁地前輩競稱奇鄭谷名聲近嚴灘物色
疑生平聊寄趣身後肯求知自笑題詩客尋真香
莫期

寄金管餉晦而

好在金支使春來得寄聲邊儲輸虜橐國計付書
生每惜青趺盡應添白髮明艱危主恩重莫恨
滯關城

次韻酬羅同年應瑞見寄

不見羅生久長懷錦水秋新詩較總在舊疾得瘳
不溪石堪供玩簞瓢肯入愁誰憐老居士閉戶雪
渾頭

送李承旨文伯出牧公山

錦水連滄浪銀臺近紫微六房曾密勿五馬亦光
輝雅望頻治劇清朝重弼違風塵政多難送子淚
交揮

送畸翁出守金堤四首

萬目驚除目畸翁領郡章世非疎汲直官却似淮
陽老厭鷓鴣列饒思稻蟹鄉只應江海夢長繞紫

宸榜

作郡心期恆能無去國懷三年限京輦一別隔明
儕晚晚良時過蹉跎樂事乖病大傷聚散禹恨轉
難排

昔佩南州玦天涯作伴遊幸憑同志樂忘却異鄉
愁京洛俄相聚升沉豈自謀浮生等萍泛離合本
悠悠

共道金堤郡今無碧骨湖江山失形勝人物就凋
枯鴻隙曾譏翟錢塘竟待蘇煩君施妙手異蹟紀
輿圖

郡舊有碧骨堤湖南巨浸也世傳自此湖廢
湖中人物不振像在南州每恨無人脩復聊

復及

程副總贈詩二首

帝念東藩重公從北極來
劒光凌濤澣旋影轉蓬萊
戰罷多新鬼舟焚冷舊灰
樞庭傳密諭一一宣迴

皇華寢冠蓋遼塞囁羶裘
忽有金臺客來經碣石
秋漢儀爭快觀山館乍淹留
萬折朝宗意憑公達冕旒

次韻題朴之英投筆亭

班生昔投筆英也欲何圖
且撥毫釐役非關印綬

紆亭臨萬頃，濶囊任一錢。
無各自存身計，休教誤晚途。

荅天章

衰相關雙鬢，逢秋轉颯然。
涼陰逗瓜蔓，新雨漲苔泉。
世事拚身外，年光閱眼前。
病來詩筆澁，知有故人憐。

次韻寄題披襟閣

畸翁作郡後，報政一期新。
不廢絃歌樂，聊甘杞菊貧。
小軒迎爽氣，高唱動陽春。
却想披襟處，宵中絕黠塵。

初得晦汝謫中寄詩次韻却寄二首

嶺外人初返音書到洛城差堪慰遠別默自笑遙
程榮落能安命君親獨繫情風霜更努力莫負寸

丹明

別夢南關路歸心北斗城丹書借華袞黃卷擬章
程賈傳湘中淚靈均澤畔情遙知望鄉眼長為白
雲明

送尚州金使君仲靜

明時重循吏宦蹟遍名都乍解達城印仍分商嶺
符民應舊俗在政似長公無最是關情處秋風鴈

影孤

次韻寄謝羅同年應瑞

同榜曾投分
遨頭亦宿因
逢君意莫逆
贈我句還新
別夢空尋路
離腸若轉輪
停雲不可攬
探月是傳神

和畸菴子湖行錄并引

畸菴子湖中之役有詩四十七章汾西鄣尉悉
取而和之借其韻以自述已意可謂富矣屬余
請告就閒得二家詩讀而悅之遂效汾西次第
和成願余雖慣行湖路即內浦未嘗涉其地故

二家游歷之區，多未識然。詩人之狀寫羈旅，意象畧同，不必踐其境，然後方可得其情而道其語也。觀吾詩者，幸勿以無病呻吟朝之可也。辛未孟冬旬有二日，谿谷題。諸體各錄。

果川途中韻

客遊意不適，秋盡轉淒淒。
古堠荒原側，危橋廢院西。
日斜鞭影蹕，風急帽簷低。
向晚投孤店，聊同宿鳥栖。

宿果川縣韻

縣郭多喬木，村墟帶野蒿。
漸漸孤嶺石，泛泛雀津

舸跋涉川塗，迥風霜氣候。高寒宵對牖，馬誰慰客情勞。

振威客館韻

南遊曾結伴，勝事記前年。燈燭棋朋會，杯觴地主傳。情深膠在漆，迹散矢離弦。洛社還簪盍，追思却惘然。

葛院韻

迢遞荒山道，坡陀廢院基。長程空遊日，孤店歇鞍時。村犢眠豐草，林蟬叫晚枝。客邊饒物色，都入紀行詩。

公山感舊韻

反氣纏京洛鉤陳離 闕廷重湖據形勝 五廟
赫神靈捷奏連俘馘 饒歌快衆冷當時駐蹕地誰
勒中興銘

德坪店韻

慣作湖中客栖栖歧路間經過多歲月店院半摧
殘野水清堪挹山花近自看西隣有精舍投宿暫
偷安

車嶺韻

都會熊津府重關表裏稱未論侔劔閣差可擬嶠

陵石畫如成
認泥丸歟失
憑安危閱往
蹟咄咄暗沾
膺

藍浦客館韻

大鹵連湖浦
羣山擁縣門
鹽烟靈白日
戍角起黃昏
杭稻供秋稅
臍腥入晚飧
征途饒飲啄
隨處認君恩

夢歸鄉家韻

瑞石山南麓
知君有草廬
澆花引泉脉
種樹按方書
釣直魚堪釣
中踈酒可醺
經年歸未得
夢裡意何如

龍仁東軒韻

旅食經秋序江南數十程征衣曉霜重侯館夜烟
輕遲暮憐身計升沉見世情明朝渡清漢佳氣望
神京

良才驛韻

黨禍青蛇慘羣賢碧血冤竟能回白日快覩破陰
昏幽憤人皆洩逋姦鬼不原郵亭想舊跡過客撿
傷魂

渡漢江韻

征驂喜歸路躑躑步沙汀棹拂秋潮白城連晚樹

青回看楮子島欲上濟川亭隔岸滄浪曲停舟為
一聽

哭李參判昌期三首

聽說潛翁逝驚呼迸淚長斯人不復見世道只堪
傷玉雪廉頑操風霜疾惡腸居然已千古萬事一
亡羊

契濶分湖嶺音容別後踪脩門余復入漳浦子離
居為寄潛窩記俄傳永訣書深情負存沒長媿巨
卿車

閱世吾差慣天真獨此翁王孫有先令聖主記

孤忠節或論甘苦心無滯介通眼看夸奪子端格
噉應空

朴文挽

高年冠諸福優老荷恩光膝下兒孫大閑中日
月長火傳元不盡離吳更何傷獨有門闌恨生平
闕拜床

沈家女挽

英英珠一顆出自蚌胎中掌裏光初墮機邊淚已
空結襦纔隔歲飛挑忽翻風萬事如泡幻知君恨
不窮

李長城庾俊挽

舉舉名臣子才能出等流豈因心計重端為理行
優美疾三年劇浮生萬相休萱闈迫頽景泉路恨
難收

哭南司禦學顏二首

逝者終歸盡傷哉遽止斯死生元大變泡幻不多
時拙宦乖章紱名等斗箕泉壚抱遺恨烏哺付
孤嫠

少作同門贅深情到白髭升沉誰自料存沒竟長
悲素髮歸揚麓扁舟泝漢涯差堪慰身後家有寧

馨兒

挽李家少婦

新婚夫婦相繼亡

璧毀珠隨墮鳳俎鳳已亡人生何草草神理本茫茫
茫隻影魂先斷重泉骨亦香焦家塚上樹夜夜叫
鴛鴦

挽沈僉知宗直丈

此老今難得生平耿自奇風流前輩重詩律後生
知晚占江湖勝閑從齒髮衰竹西遺草在身後賞
音誰

哭趙叔司禦

孤生子姪義先分弟兄親宦拙能安命途窮或傍
人得年踰下壽乘化返天真慟哭丹旌遠空山宰
樹新

挽海嵩都尉亡姬字松月

一夕摧華茂重霄寶望舒歲寒長已矣靈藥竟何
如寶帳薰爐冷羅衾粉澤餘秦樓自有月腸斷夜
窓虛

挽尹丈百順

盛世才須達高人隱不胈家貧甘宦拙學遠貴知
希大耄驚離景哀歌怨露晞青山數畝宅新塚近

相依

尹察奉孝述挽

不見故人久途窮仍亂離
停雲空入咏晞露忽題
詞一病渾驚瘦微官不救飢
天涯返孤櫬春色白
揚枝

鷄林府院君李守一挽

福將燕名將登壇幾箇豪
共稱龜鶴壽仍擅虎龍
韜漢閣營平重唐勲郭令
高星芒一夕墮大樹獨
蕭騷

哭朴大觀三首

每恨經時潤翻成隔世人
天球映櫝潤利器發硎
新吐論言言別披心事
事真而今更難得默默獨
傷神

共佩炎州玃龍城與錦城
君親長繫念散聚各
含情京洛交將盛名途
館閣榮居然揔陳迹萬事
一沾纓

妙歲勲名重高門盛事全
椿萱備諸福橋梓暎羣
賢霜露纏微疾風燈謝世緣
無人託烏哺遺恨徹
窮泉

大行大王大妃挽詞三首

聖世嚴家法長秋重 母儀方瞻配 乾極忽訝
毀坤維大隧銜冤日 東朝復位時哀榮無限事
宗祏共安危

再覩乾坤正 宸闈寶冊新人終免禽獸天未殄
彛倫 聖孝三朝日 慈顏一笑春萬年方獻祝
長夜忽無晨

仙御游空界厭儀發上都人間還社飯地下復珠
襦松栢金堆並莓苔王殿俱孤臣淚和筆貞石紀
黃壚

呂清州祐吉挽

籍甚家聲在，聯芳棟蓼榮。
清朝從班重，白首郡符輕。
一夢塵緣盡，浮生下壽羸。
無從還有涕，寄挽送丹旌。

挽鄭察訪暉

夙昔親聯壁，論文擬斷金。
升沉真有命，存沒只傷心。
舊業詩書倦，微官歲月深。
湖中邂逅地，憶看更沾襟。

挽松溪李文

暮景紆恩數，端居養性靈。
何慙高士傳，自有老人星。
來去渾無累，悲歡慣幾經。
傷心典刑盡，空望

道峯青

挽武將

力戰殺賊以勇聞早死

今古橫戈地男兒幾個英
沙場曾取雋王塞早知名
共惜秦瓊病誰論李志生
風塵久未靖為爾一沾纓

金鐵原內挽

淑質生名族宜家配勝流
虞虞經苦樂蘋藻奉春秋
忽已先黃壤誰能共白頭
從知結腸恨不獨有蘇州

挽柳文浩

喪亂違京輦居然閱幾秋
途窮聊自適官薄早能
休夢幻遺三界松楸卧一丘
兒孫繼科甲身後慶
應流

洪同樞思數挽詩

同榜知先分孤生仰典刑
西京循吏傳南極老人
星夜壑俄成幻泉臺忽復
扁我差送哀挽宰樹望
中青

洪主簿霽挽詩

衰遲易生感存沒倍潜然
又失同門舊空思并角
年杯蛇綠客宦科甲欠家
傳萬事輸泡影悲心薤

唱前

宋監司聖求挽

潤濁傷衰俗貞孤見若人
朱絃嫵太急白雪淨無塵
只有中郎女俄拋下壽身
潛翁墓草宿泉路待請親

挽李僉正溟運

契濶中年恨相逢故意深
分携豈多日存沒倍驚心
窮達才何與衰遲病已侵
猶堪慰身後蘭玉看成林

李汝復挽 以下續稿

建節寧非達居然二監經通才不易得同病只相
憐舊跡渾如夢餘生欲問天堂萱春獨在遺恨結
重泉

和清陰遊清平錄

行尋古顏國為訪梵王家界金為地靈池王作
沙殿深迷樹色碑古蝕苔花獨旌諸天上莊嚴却
太奢

右家字韻

朴就之挽

往歲勞相訪懼然故意深羨君身許健憐我病偏
侵脩短天難問存亡淚不禁少年游好地陳迹更

堪尋

次韻題權僉樞蓬壺寶唾卷

寶墨開新卷，冥搜閱幾年。
風輪人世轉，雲壁鶴巢遷。
衰疾慙真訣，名山負勝緣。
少文存晚計，仙賞任君先。

挽鄭持平濟源

世誼金蘭重，清真我最知。
三年不相見，一病遽長辭。
只有中郎女，終無伯道兒。
他時竹林會，何限嗣宗悲。

送柳安世之任長城

星郎辭粉署仙令佩銅章古驛沿溪路官梅過嶺
香共看鳬送影聊作鴈隨陽獨有故人病秋風離
恨長

挽鄭德餘二首

絕足自無前才名三十年浮生元是夢醉死却疑
仙可柰靈椿老空悲玉樹顛從今廣陵路京兆表
新阡

故羨今憐劇高才厚福慳橫金猶黑髮埋玉遽青
山酒社風流盡詞場物色閑空餘舊棠樹摧落路
歧間

奉酬澤堂見寄時初聞東岳南歸

漸覺此身累翻疑吾道非閑思好客過病羨故人
歸燈火昏眸澁風霜短髮稀知音有澤叟詩什在
荆扉

復用前韻酬澤堂見寄

昨和紫極韻因知遠瑗非閑官且自適真興不如
歸小圃霜花倒空簷雨足稀南隣有同病何日款
幽扉

金叅判挽二首

名擬雙金重才稱一代難風波經變故嶺海飽辛

酸短髮初還第浮生已盡棺揚山莽蒼外衰草雪
阡寒

先分同庚重當年幕裡賓微生託婚媾諸子更情
親存沒天難問榮枯迹摠陳病垂蒿里餞衰涕只
沾巾

哭李子文

報國期方寸何煩勉志完極知從善勇未覺敢言
難絕域天回照浮生露易乾尋思去年事長慟淚
沈瀾

完陽夫人挽

配德徽聲遠恩封象服宜暮年多苦節榮養有賢
兒獨閱悲歡盡俄驚夢幻移驪江會劍地飛旄卷
寒颼

崔文挽詩

高年世不乏精健更誰齊露頂眠風榭拋筇踏雪
蹊泥塗憐甲子蘭玉足提携忽罷黃梁夢江湖物
色淒

李觀察汝復內挽

平生李觀察交誼比金蘭未展鵬圖遠空留舊鏡
單松門春不暖薤葉露仍乾好是雙龍劍同歸楚

水寒

次韻荅晦翁為止歸計

久客還京洛何心更憶歸
任存董桂辣休戀薜蘿
衣絕塞愁鞞鼓清朝足是非
君恩報荅了方議
偃荆扉

原韻

客伴春風至春歸客未歸
烟花空過眼荅辭欲
生衣身病餘年促時危萬事非
朝廷休記憶
倘許返山扉

奉酬金右尹得之和韻見寄

偷閒緣抱疾戀祿敢言歸晝日唯烏几晴雲似白
衣轉愁衰相逼誰惜壯圖非獨有詩筒使時來叩
竹扉

書懷再酬得之

意適渾忘病官閑不羨歸籠添新藥裹箱蠹舊朝
衣文苑虛名在丹鑪宿計非幽居無客到盡日獨
關扉

復疊酬得之四首

久纏玄晏病難學二疏歸過午猶高枕經春怯撥
衣名浮真可媿計拙轉成非不有裘羊侶誰敲白

板扉

樹密鶯兒集簷虛燕子歸優閒開府秩寬博道人
衣睡適新傳訣詩荒欲懺非長庭院靜黃雀滿
蓬扉

情性須陶寫風騷有會歸穀中窮羿的汗後祖師
衣一代名多假千秋事或非君如要商略莫惜訪
幽扉

君詩何所似管氏有三歸漢廩陳陳粟雪風夢夢
衣唯思百戰快肯念暗投非願守多言戒携壺數

款扉

終篇語涉皆至亦
出善語幸恕之

歸韻已七疊矣端居無聊又成三首以足一
什酬得之吟案

澤叟曾移住畸翁擬賦歸親朋長去眼衰疾欲沾
衣晚悟空門旨唯慚口業非盡將文字債書幘揭
窓扉

禽中隣喚起藥裏感當歸塵架拋殘卷涼齋攬弊
衣病多妨學道年過媿知非睡罷聊行散斜陽映
半扉

坐對簷陰轉閑看倦翮歸林颺時入戶岳翠遠侵
衣老態年年別陳蹤念念非巷深輪鞅斷無事啓

雙扉

得之以前章三歸為嫌復有鳴冤之作謾爾
疊韻不復却寄蓋欲息爭知止也

莫恨三歸語三歸可與歸德雖慙赤舄賢豈後緇
衣但取一匡盛休論小器非君看漢唐下誰復闖
藩扉

若要論詩品先須識指歸大羹殊褻味華衮異縫
衣虞夏知難挽桓文未可非深思大揚摧誰肯款
吾扉

體格分今古千流會一歸懷中須蘊寶擅外莫論

衣龍睡探珠好蛇成着是非無人話此事嘿嘿獨
扁扉

得之又成二首袖來仍與劇談遂賦此以謝
談清如有得坐久却忘歸簪目斜熏帽窓風乍颭
衣更看新什富翻悔戲言非詞館方虛位君宜入
鎖扉

文章吾豈敢蹊徑畧知歸病久拋掾筆身閑傲布
衣迹方玄晏似書擬子雲非虛室無人問輕風自
闔扉

得之又疊五章欲足成數牽帥酬寄殊有掇

挂餘辛之歎識者見之其謂斯何

言多祗取困行倦可無歸惡醉仍添酒嫌暄強進
衣枝梧雖或得意境恐都非擬閣生花筆長關羅
雀扉

半世攻文墨辛勤得路歸薰臍咀作膳芳潔集為
衣悟後頭頭是迷時色色非知音託黃卷堅卧閑
閑扉

詩稟知君意篇篇苦說歸却慙麋鹿性孤負芰荷
衣習氣多生誤酸醎觸處非猶嫌孝標論不署翟
公扉

樹擁終南隱雲從冠岳歸莓苔填砌縫薜荔作牆
衣遣寂棋枰在修真鼎器非蛛蝥如解事結網強
當扉

自笑詩荒客都忘弱喪歸鑒昏塵滿匣劒古繡成
衣刮膜開新見銘心訟舊非須教戲童子莫啓定
僧扉

送畸翁之官臨瀛四首

言愴湖南別今成嶺外分危途少知己暮景重離
羣吏隱關身計仙區遠世紛郡樓供八詠應待沈
休文

瑣闥辭榮去銅章領郡來官饒種秫興地稱詠蘋
才過嶺逢迎少遊湖物色催仙臺留記筆為我拂
塵埃

嶺左皆仙窟臨瀛景擅聲臺山堆紫翠鑑水挹澄
明古國千年蹟先賢百代名宦途輕剖竹難得此

專城

江表古滅國也粟谷先生實產于此

執手三年別驚看兩鬢華淡交隨聚散榮官足疵
瑕玉塞憂兵氣滄溟送使槎致身享福地何恨一
麾賒

雨中簡畸翁

佳期已晚晚會面一何遲且作關山別能無雲樹
思自從多病後空憶少年時兩腳長仍舊閑愁只
獨知

李愈樞植立內挽

淑質歸名諱入稱兩義宜貧經炊糜日老憶結襦
時短世悲懽足浮生幻影移新阡驚江外春色白
揚枝

挽李應寅

細筭浮生理彭殤本不殊憐渠好風骨壯歲落泉
壚一宦名徒在雙親眼欲粘傷心無限事冥冥得

知無

懷恩君夫人挽詞

碩媛生名族徽聲協國風
生枝初配德玉樹竟成
空劍化驚波裏瀉分寶鏡
中王孫悼亡恨應與古人同

朴知事夫人挽

八座星纏峻中闡象服
宜將身承紫誥有子似瓊
枝短世風燈促新阡露草
衰青門送哀挽旌妻亦
悽其

寄夢賁田居二首

羅君官罷後盡室返田居園木多新種畦蔬或自
鋤閒時檢方藥晴日奉安輿滿眼兒孫好朝朝課
讀書

王玦經年謫琅玕吐闔書主恩全直道身計賦
閑居魏闕心長繫脩門迹漸疎明時重一鶚肯許
老樵漁

早秋酬東陽都尉見寄

不見井梧墮乍驚牀簟涼閑愁付碁局歸夢在林
塘有興時拈筆無人共覆觴新詩當清眄聊慰寂
寥鄉

哭朴鐵原蓮

慟哭吾兄逝浮生竟至斯
向來中表義不減鵲鴿
詩各抱沉年病仍成死別悲
永乖蒿里餞東望涕
雙垂

送任僉樞統奉使日本

絕域難專對掄才竟拜嘉
丹墀分玉節碧海送星
槎棹拂珊瑚榦衣熏若木華
蠻王望風來推髻罷
雄誇

贈別清陰歸石室

蘭芙蓉不揆弦急調難和
世事遽如許主恩將

若何雲迷京國遠秋入故園多
來闕終須補那能戀菱荷

送完山尹具汝擴二首

豐沛興王地湖南第一州
官班視方伯才望輟名流
魯衛還相近墳簞定孰優
縣知報政日明主喜分憂

府尹將州牧完山與錦城
同時五馬貴當代二難名
鴻鴈雲霄影棠花雨露榮
昔年游宦地相送倍含情

挽趙判事靖

聯璧南州望惟公福履兼官稱三品貴壽得八旬
添耆宿名在重門間慶可占居然隨物化寄挽淚
空霑

沈舍人光世改葬挽

昔慟威明逝沾襟挽紼詞餘生一紀後中夜幾迴
悲孤首情難泯牛眠事可疑雙旌並慈孝魂氣更
何之

故青雲君先夫人改葬挽

靈鷲營新兆于今十六年志臺長寂寞人事幾推
遷白日佳城啓丹旌旌攬旋汾津會雙劍字木鬱

蒼烟

羅應瑞寄石榴有詩次韻以謝

重橘輕榴實常嫌論未公聞香雖或遜言味略相同
況有穠葩艷蕪憐老殼紅
色隨遠信一嚼解消中

丙子十一月五日夜夢與子容共遊名山到
一古寺頗鉅麗居僧亦衆周覽久之子容謂
余曰盍與子聯句唱曰良友幸同來余繼曰
石門秋色哀時正向昏東林月出山色蒼然
子容沉吟久不成余又曰林端有新月岳勢

似天台俄而夢覺遂以夢中所見足成一律
云

良友幸同來石門秋色哀林端有新月岳勢似天
台列岫圍成障奔泉響作雷諸天知不遠更上最
高臺

延陽君夫人改葬挽

延陽失賢配十載隔重泉不盡悼亡淚長懷炊
年故塋開淺雪新隧掩寒烟嫂叔貧交誼那無一
泫然

李愈知植立挽

高科能自致拙宦竟誰因郡邑栖遑地郊扉寂寞
濱升沉兩無迹泡影本非真去矣黃壚煖浮生已
七旬

完城君先王母改葬挽

逝水悲人代于今四十年佳城闕日月拱木厲風
烟孝子成先志雙封會一阡情文協神理餘慶定
綿綿

陽生日漫吟二首

半夜一聲雷頑陰盡已開天心真可見節候暗相
催煮豆清晨粥吹葭玉管灰鷓班阻朝賀衰疾自

生哀

久暖乖冬候寒從小至催雪怪應待臈風吼却疑
留繡線添難認爐薰冷易灰微陽驗方寸珍重善
端培

五言排律 三十七首

詠懷 澤艘銳馳四韻見古今詩韻

吾生元翫性僻愛湖江頑質慚圭璧孱材類枿
椿乖時迷向背慕古尚敦龐親老仍干祿名浮詎
達邳雲霄題鴈塔疏褐脫螢窓禁掖身疑夢華簪
華似扛弃瑕偏沐澤乘險幾磨瀧膏孽天虧滿風

波帝傲洛積猜堪鑠骨優渥幸全腔初服還田里
幽期訪石缸未追遼海管擬學鹿門龐避迹長思
走逃空漫喜筵行吟策款段漁釣駕解艘遯世甘
岑寂櫻心免擊撞食貧雖頗頷肥義轉胈肱湯逐
荒村社閑尋古寺幢踈姿難解媚野語不嫌哢蕙
畹衰芳盡茅簷墮葉撻探秋時杖策坐夜獨懸缸
敗壁行飢鼠空籬卧吠猶詩成聊把筆酒熟正盈
缸遠出看蒼峭清溪想碧淙自憐丹悃切誰信素
心慳農圃思操耜戎行未奮鋌修辭希屈賈効節
企干逢珉玉寧容並梟鸞肯作雙窮途愁欲老往

事憶還懷聖化沾翹奕皇靈震笮駝時清道方泰
身屈忘難降

蟻戰十韻

蠢動均函氣玄駒亦攝生慕羶求易足戴粒命偏
輕畧有君臣義能無利害爭分封專國土欺弱互
兼并牛闔軍聲振魚麗陣勢橫吹塵騰急礮壘芥
作長城歛爾分成敗居然見脆勑相持同廣武鏖
戰等長平蠻觸傳非妄捫安事可驚古今風雨地
何處可休兵

次韻寄滄浪子

故人江海上詞賦有新聲短髮蒼蒼改危衷耿耿
明烟霞尋舊隱簪笏謝浮榮小屋依林僻虛窓瞰
野平雲翻麥浪動風送栗花輕萬事惟孤嘯餘生
共耦耕物情猜散客天意困書生欲學蒙莊叟高
觀等毀成

朴僉知東望挽詩朝京師道卒代人作

暮境親知少憐君又遽然別離曾幾日存沒間重
泉科第騰騫早名聲伯仲聯鵬圖仍折翼雲路罷
朝天旅櫬西關外歸魂北斗邊何人請周樂季子
已新阡

有感六韻

高樹秋先到涼颼晚轉吹玄蟬惹塘芥粉蝶觸蛛
絲漂泊浮生困低回萬感滋獨憑南郭几空詠北
風詩甯子悲山石揚生泣路歧人懷真迫隘吾欲
訪安期

送人赴 皇都賀 聖節十二韻

一統皇猷泰千齡慶節迴星虹三極動玉帛萬邦
來鰈域虔侯度明庭選使才飲永行李急觸熱傳
車催螭陞陳苞壓鴛班蓬棘槐紅雲捧日上黼座
倚天開朝趨金鑪月行穿紫陌埃恩頒小府筭宴

接禮賓孟故國愁邊憶清都夢裏猜壯遊真不負
引恨苦難裁鶴野應經潦烏蠻正蟄雷憑君寄雙
淚為我吊金臺

金成之先夫人挽詩

恭聞太夫人淑哲迥無倫四德因心備三從秉禮
均慈顏甘菽水孀節凜松筠閱盡悲歡境仍拋夢
幻身幃幃歸淨土旌翼泝長津穠草迴新綠堂萱
罷舊春陶家忝末客孟母仰清塵欲相青門挽難
禁涕滿巾

雪後大風寒甚呵筆書懷二十韻

急景凋殘臘蒼茫歲律徂顛風扇朔氣密雪暗天
衢勢蹴千林倒聲騰萬馬驅乾坤相擺闔海瀆互
傾輸大澤龍蛇吼深山虎豹殂蒼生無按堵白屋
付摧枯年事侵衰鬢生涯困腐儒形骸愁短褐烟
火冷空厨漫把生花筆難供脫粟盂牛衣卧共泣
烏几坐長吁稟命知前定謀身悔曩圖何須論骨
相已可識頭顱谷汲催烹茗隣春趁納租乞兒矜
向火征士哭窮途悵望雲迷目高吟凍滿鬚端憂
恒悄悄微困却區區地底飛灰管天心運斗樞陽
和回德澤品物待昭蘇好事携壺至諸生問字俱

百年長只爾舒慘聽洪鑪

故相許公挽詩

將相傳門戶朝廷有世臣
石家推質行金鉉贊經綸
吸醋寧論苦熬乾不諱貧
風波多難後榮落一番新
綠野啣盃地朱崖受珖辰
折台驚象緯騎尾逐精神
旌翬經長路衣冠即厚窀
空餘喬木在寂寞自回春

田居漫興八韻

田家饒物色秋興自悠然
遍社村村酒燒畬處處
烟迎霏爪萼倒帶雨菊枝偏
古樹蟬聲歇寒空鴈

影懸漁人候潮落
佔客趁虛前
近海多塩戶
長堤護鹵田
窮閭并稅急
絕塞鼓鞞連
野老甘疏糲
茆齋穩畫眠

贈李丈大載

憐君客南海
豪氣減陳登
旅泊愁將母
窮途幸得朋
顛風吹破屋
細雨灑寒燈
語罷時彈劍
缺宵殘共枕肱
衰容侵歲暮
壯志失飛騰
但自加餐飯
林居適寢興

人日大風甚寒漫吟八韻

三十更添四
此身非少年
衰容驚節序
寒蟄望暄

妍春入新年動風從昨夜顛禁當梅柳意借與雪
霜權豐耗元難測陽和恐或慙飄零淹澤國錯莫
對江天不復簪花勝猶堪引酒船可憐腸斷日誰
寄草堂篇

和張生希稷雨後見示之作十三韻

一雨供沾暘微涼為爽襟虹飛明遠飲雲駁散層
陰野外擔簦客牆頭晒翅禽庭柯翻滴亂徑草帶
泥深欲輟搖風簾如聞擣月砧乍堪穌病肺因覺
醒煩心竹牖輕風度藜床潤氣侵殘炎知有幾大
穠驗從今更喜比鄰子時蒙躡屐尋波瀾窮學海

華實擷詞林古劍斗牛氣商歌金石音優游樂誰
似唱和興難禁好待村醪熟相邀得細斟

送吳肅羽從事巡檢南州六韻

南北艱虞際朝廷發使頻侍郎承密命從事得才
臣橫海樓船卒窮閭井稅民應須拯水火不復患
風塵雲入天涯望花看嶺外春懸知入奏日聲譽
動簪紳

酒後次韻酬李文大載

沈冥自吾道昭世負明揚壯志成催落孤蹤任滄
涼卜鄰蘭室近投分酒壚傍抱璞慙和氏藏書笑

子長佳辰拚勝會皓月送清光亂酌仍無數高歌
便欲狂神期存浩浩物化聽蒼蒼萬事形骸外何
須細較量

哭守夢鄭先生十六韻

絕學師傳在微言玩索餘名全多難日身際中興
初報主心長切佳時術未踈經帷引堯舜講座闡
詩書烏府持風裁鵷班愜令譽秉鈞期咫尺加額
遍廝輿木稼灾何遽梁摧事忽諸衣冠失領袖廊
廟墮璫璫得正師曾氏遺忠配史魚聖朝悲諫草
賢路輟連茹化國基初定微陽氣未舒天何奪楊

綰人不羨曹蜎小子將安放先生實教余情深感
存沒才薄媿吹噓素髮維揚路青門廣折車從來
殄瘁恨千古共沾裾

送金文學去非泛海朝天

絳節朝天日雲帆破浪時星回辰極迥水注尾閭
卑怪蜃噓成市脩鯨鬣似旗乘槎疑漢使浮海感
宣尼上國觀周樂征途望嶽詩男兒四方志人世
此遊奇絕域憑神理孤忠任險夷親朋眼中少頭
白更傷離

進賀使李同樞忱挽詩

一死人皆有哀榮孰似公艱危達 君命存沒動
宸衷使節遵天路征帆掣海風燕雲虜塵暗水陸
驛程窮氣識關頭紫雲瞻殿裏紅蒼黃輕萬死奔
走罄孤忠乍喜 威顏近俄驚幻影空 皇恩軫
勤事盛典備崇終旅櫬金臺側歸魂滄海東平生
四方志浮世百年中厚夜榮光徹重泉雨露通遙
將數行淚寄洒一科蓬

哭成永同丈十韻

無極鍾元氣坡山降大賢淵源光道統詩禮本家
傳我丈聰明絕門庭授受專三餘足文史二酉志

羅穿變故經消長衡茅度歲年黔婁無飽暖玄晏
苦沉綿晚宰栽花縣俄拋種秫田風燈催短世精
爽閼重泉薄劣從遊慣生平許與偏高才日陵替
洒涕問蒼天

黃叅奉叔挽詩

舊義敦姻好先人即弟兄門闌仰尊長服事自孩
嬰痛飲天真在窮經學業成長沉百僚底未遂一
名榮大化終須盡稀年也復羸孱孫守苦塊破屋
帶柴荆素翬凌清漢佳城啓舊塋加麻仍吊服相
緋淚縱橫

啓運宮挽詩

世德源流遠名家積慶繁
徽音光內則妙選配宗
藩福得三靈祐歡承兩殿恩
燕禡初誕毓龜繇已
推原宅有春陵氣人知釣弋門
瑤圖符吉夢玉璽
命神孫赫赫中興業愉愉至養存
訢和薰勳植
慈孝決乾坤共祝岡陵壽
俄驚婺彩昏小黃遺鬢
髮中嶽化雲根
當宁深嬰慕傾朝為駿奔
廡儀酌中制秘器出東園
終始哀榮備幽明禮數尊
冠陪黼黻鹵薄送朱旛
貞石鐫文秘玄宮斷絮溫
金陵龍虎地百世永支藉

朴鎮岑先妣挽

夙歲論交地賢郎即弟昆徽音稔慈訓積德仰高
門人世無窮事悲歡詎可論專城享晚景一笑問
平反露落空留薤春歸不見萱佳城杳何許無路
送朱幡

挽芝峯李尚書

大王無瑕玷靈芝冠衆芳端宜在東序本自產齋
房標望先朝舊行藏晚節光清文推黼黻白頭
際明良冢宰司衡鑒霜臺握紀綱名賢方嚮用世
道待恢張半夜舟移壑鉤天帝遣陽鴈蘇年偶等

辰已識堪傷往者台星拆居然上相亡詞林復搖蕩朝著頓淒涼泡影須臾事江河萬古長揄揚千
字誅愁絕八哀章薄劣慙微分官聯廁末行下塵
陪翰墨餘論借雌黃華屋空南巷丹旌已北邙傾
河不盡淚寧獨顧長康

送韓元之出守鍾城六韻

玉署曾通籍風標本勝流直緣河朔面翻得塞垣
愁官為韜鈴進才於節制優豐貂爛銀帶駿馬赤
茸鞞隴外無青眼天邊對白頭親朋各相送誰定
解吳鉤

送尹仲素按關東

茲行誰不羨綠髮按仙區四牡凌楓嶽雙旌映鑒
湖班高夏官佐地勝濟王都報政饒閒日尋真慳
素圖風塵身似寄勾漏計翻迂別意無愁緒孤吟
只據梧

仲素曾按院山今又陞有
兵部右侍郎故弟三黜云

送李御史汝省校閱北邊

陽城自注考叔夜旦題書不把郎官筆聊乘使者
車丹墀奉綸綍紫塞按儲胥國耻終須洒邊籌未
可疎陣應分鶴列入各擁犀渠六鎮兵無敵匈奴
技不如奇才入款率勝氣壓穹廬望極關雲迥春

深嶺雪餘客程淹節序 王事敢虛徐寄語觀風
老相思闕鯉魚

送洪元老按節嶺南

藻鏡天官佐銀臺獻納司清華元愜望盤錯亦稱
宜嶺嶠分憂地驟駢按部時風稜看攬轡物色入
褰帷乃祖何年到于今萬口碑家聲真復繼寄惠
未曾衰臘雪消靈瘴官梅映戟枝天涯倘相憶莫
惜寄新詩

次諸君祖席聯句韻寄顯國第

自從君去後離恨黯相連蕭瑟仍秋雨蒼茫欲暮

天病身燈影畔
衰鬢淚痕邊
定恨萱闈隔
長思隸
壽聯音書鴻
杳杳關塞路
綿綿忠孝期
平昔功名
趁盛年酬恩
唯盡瘁報政
孰爭先
行待徵還日
斑衣慰眼前

挽尹景潤

夙歲論交地
忘形結雅歡
冲襟絕畦畛
世味薄醎
酸眊瞍成遺
恨浮沉寄一
官風燈忽無
迹鬼伯不
相寬宿草新
阡遠殘花故
宅寒猶堪慰
泉路才子
有芝蘭

次韻擬杜工部傷春五首

亂罷身仍困春回恨更濃自憐淹旅泊誰定掃羣
兇鄉國歸無日天門隔幾重主憂甘忍辱師老轉
難供雙闕風雲氣孤臣潦倒容烟花薰客眼夢着
近銅龍

語燕頻闕戶啼猿故掛枝春深巴子國夢遶曲江
池萬事何時定殘生着處危絮飛真落魄花褪苦
低垂為客仍消渴傷時更亂離鄉園杳宛洛歸路
想逶迤

衰疾身如寄飄零帶疾圍亂來悲國步春到感天
機日馭迷黃道胡塵暗帝畿未陪新法從空愧舊

朝衣入水風濤靜三已信使稀烟花紫禁色應待
翠華歸

有生那免累踈懶意弥真十載猶留蜀何時不憶
秦臺怜梁苑客村記漢宮嬪湯興詩二首消愁酒
幾巡鶯花期老子葵藿泣孤臣消息中原闊關河
尚戰塵

戎馬何時了書生感慨多徒聞授齊鉞卡省枕琯
戈胡虜闕雙闕烟塵塞兩河生涯淹絕域節序入
悲歌江草侵沙岸巖花雜薦蘿啼鵲在深樹誰見
淚痕和

挽鄭錦南十二韻

以下續稿

瑞石鍾靈秀英才出等夷遷喬刷勁翮附驥軼高
馳獨達韜鈴秘皆稱短小姿曾充絕域使贏得遠
人知大盜闕丹極妖星隕玉墀公能掃兇孽一戰
復師帶礪勲盟重旌旄望實宜酬恩期盡瘁嬰
疾遽長辭寂寞清商闋蕭條大樹萎匈奴幾時滅
精爽萬人思塚與祈連並名應汗簡垂不知麟閣
上誰繼卽圖詞

送通信副使金正世濂

日域輸琛數天書報聘初使材皆特達行李豈虛

鷓鴣路連暘谷鯨波注尾閭 王靈動殊俗推髻
愧簪裾徐福祠應在鼉卿跡已虛梅窓見春色歸
思定何如

李僉知勸挽詩六韻

己卯同蓮榜先人即弟昆風流前輩重清議相門
尊大耋期頤近餘休子姓繁青門咽哀挽紉釵落
荒原仁里師資切賢郎世誼敦百年存沒恨無路
送朱幡

谿谷先生集卷之二十九

四庫全書

卷一百一十五



卷之六

七